

جریدہ عالیہ

مشیت جلیلہ اسلامیہ نک جریدہ راسمیہ پیدر

محرم الحرام ۱۳۳۵ [*]

عدو: ۲۷

آیدہ بر نشر اول نور

اوپنچی سنہ

فتاویٰ شریفہ

صلاة :

امام اولان زید آبدستسز نماز قیلدیردیغنی تذکر ایلدکده امام اولدیغنی وقتده نسیانا آبدستسز بولندیغنی ممکن اولدیغنی قدر بیلدیکی جماعته خبرویرمک وزیده ومطلع اولان جماعته اول نمازی اعاده ایتمک لازم اولورمی الجواب اولور

تعدیل ارکانه رعایت ایتمادیکی نمازده امام اولان زیده اقتدا مکروه اولورمی
الجواب اولور

اداء صلات جمعه نك بالجمله شرائطی جامع اوله رق ادا اولتان جمعه نمازی صحیح اولورمی
الجواب اولور

بوصورته جمعه نمازینی متعاقب ظهر اخیر قلمق واجب اولورمی الجواب اولماز

★ ★

مجهیز وتكفین

زید فوت اولوب زوجه سی هندی وقزی زینبی ترك ایتدکده زینب زیدك تجهیز وتكفینته کندی مالندن قدر معروف شوقدر اچقه صرف ایلسه زینب مصروفنی ترکه زیددن المغه قادره اولورمی الجواب اولور

★ ★

نکاح :

زید زوجه مدخول بهاسی هنده بوش اول دیوب بعده زید هنده مراجعت ایتیموب هندیك عدت منقضیه اولدقدنصکره زید تجدید نکاح مراد ایتدکده هند امتناع ایلسه زید هنده نفسکی با که تزویج ایله دیو جبره قادر اولورمی الجواب اولماز

★ ★

اوقیوب یازمق بیلمین زید آخردیاره کیدوب عمروه زوجهم هندی بوشادیغمی خبر
ویرمک ایچون طرفدن مکتوب یازدیوب عمرومکتوبده هنده خطابا اوچ طلاق بوش
اول دیو یازوب زیدک مهریله مهرلیوب هنده کوندرد کدنصکره زید واقف اولدقده بر
طلاق تحریرینه امرینی اقرار ایدوب اوچ طلاق تحریرینه امرینی انکار ایتدکده وجه
محرر اوزره امری ثابت اولماسه طلاق اخیر اولیوب هندک عدتی منقضیه اولمغله زید
هندی رضاسیله بلاحله تزوجه قاراولورمی الجواب اولور

★
★ ★

مهر:

زید هندی شوقدر اچقه مهر معجل وشوقدر اچقه مهر مؤجل تسمیه سیله تزوج
ایدوب بعده زید هنده نسنه ویرمدین قبل الدخول والخلوه هندی تطایق ایلسه هند
تسمیه اولنان مهر معجل ومؤجلک نصفلرینی زیددن آلمغه قادره اولورمی الجواب اولور

★
★ ★

طلاق:

زید زوجہ سی هنده سنده علاقه وارتباطم یوقدر دیوب طلاق نیت ایلسه هند
مبانه اولورمی الجواب اولور

★
★ ★

زید زوجہ سی هند ایله چکشدکده هند زیده مرادک ندر دیدکده زید مرادم سنی
بوشامقدر دیوب لکن بوشاماسه زید مجرد بویله دیمکله هند بوش اولورمی الجواب اولور

★
★ ★

زید زوجہ مدخول بهاسی هندک قزقرنداشی زینبه خطابا سن منزلدن چیقوب تکرار
منزله کیررسک قزقرنداشک هند بندن بوش اولسون دیدکدنصکره زینب زیدک منزلدن
چیقوب بعده منزل مذ کوره کیرمکله هند زیددن طلاق رجعیله بوش اولسه طلاق اخیر
اولمایحق حالا زید عدتی ایچنده هنده مراجعت ایدوب تجدید نکاح ایتمدین هند ایله
ازواج معامله سنده قادر اولورمی الجواب اولور

★
★ ★

نّفقه :

ھند معسرەنك زوجى زيد دىخى معسر اولوب ھندك باباسى عمرو موسردن غىرى كىسەنەسى
اولماسە حال يىسارندە زىدە رجوع ايتىك اوزرە عمرو ھندە اقراضە مجبور اولورمى
الجواب اولور

★ ★

زوجى اولميان ھند معسرەنك لام قىرنداشى اوغلى زيد موسردن غىرى كىسەنەسى
اولماسە ھندك نّفقەسى زىد اوزرىنە لازمە اولورمى الجواب اولور

★

★ ★

زيد صغيرك مالى اوليوب زمن اولميان باباسى عمرو دىخى معسر اولوب عمروك باباسى
بكر موسر اولسە بعدە عمرو موسر اولدقدە عمرو رجوع ايتىك اوزرە زيدك نّفقەسى
بكر اوزرىنە لازمە اولورمى الجواب اولور

★

★ ★

ھند فقيرەنك زوجى زيد معسر غائب اولوب ھندك لاب ارقىرنداشى عمرو موسردن
غىرى كىسەنەسى اولماسە زيد موسر اولدقدە زيد رجوع ايتىك اوزرە عمرو ھندى انفاقە
مجبور اولورمى الجواب اولور

★

★ ★

حضانہ :

زيد متوفانك زوجەسى ھند زىددن اولان صغير اوغللىرى عمرو وبكرى بحق الحضانہ
تربىہ اوزرە ايكن عمرو اون وبكر سكر ياشنە كىردكدە عصباتدن كىسەنەلى اولمايحق
حاكم ھند ايله زيدك والدةسى زىبندن اولى كوردىكى كىسەنەىہ صغيرلى تربىہ ايتدىرمكە
قادرا اولورمى الجواب اولور

★

★ ★

ھند صغيرەنك لاب ەمى زىدايله ھندك اتاسىنك باباسى عمرودن غىرى كىسەنەسى
اولماسە ھندك حق حضانەسى زيدك اولورمى الجواب اولور

★

★ ★

زید صغیرک اناسی وحاضنه سی هند نفسنی صغیره اجنبی اولان عمروه تزویج ایدوب
صغیرک باباسنک اناسی زینبدن غیری حاضنه سی اولماسه زینب صغیری هنددن الدقدنصره
عمرووفات ایتمکه هندک حق حضانه سی عودت ایلسه هند صغیری زینبدن الوب استغنا
حاصل اولنجه یه قدر امسا که قادره اولورمی الجواب اولور

★ ★

هند صغیره نک باباسنک اناسی زینبدن غیری حاضنه سی اولیوب زینب هندی
بحق الحضانه امسا که اوزره ایکن هندک اناسنک اوکی اناسی خدیجه هندی زینبدن الوب
تربیه وامسا که قادره اولورمی الجواب اولماز

★ ★

رضاع :

هند اوغلی زید ایله زینبی مدت رضاعده ارضاع ایلسه هندک آخر اوغلی عمرو زینبی
تزوج ایتک شرعاً جائز اولورمی الجواب اولماز

★ ★

هند زینبک اوغلی زیدی مدت رضاعده ارضاع ایدوب زینب دخی هندک قزی
خدیجه بی مدت رضاعده ارضاع ایلسه هندک اوغلی عمرو زینبک قزی عایشه بی تزوج
ایتک جائز اولورمی الجواب اولور

★ ★

نسب :

زید هند حرمیه زنا ایدوب هند زنادن برولد کتوردکه زید اول ولد زنادن حاصل
اوغلمدر دیو اقرار ایدوب بعده فوت اولسه اول ولد زیده وارث اولورمی الجواب اولماز

★ ★

ولاء عتاقه :

زید متوفانک ظاهرده وارث معروفی اولماغله ترکه سنی امین بیت المال قبض ایتدکن
صکره عمرو ظهور ایدوب زید انام هند متوفانک قولی اولوب ملکنده ایکن اعتاق
ایتسیدی هندک بندن غیری عصبه سی اولماغله بن زیدک ولاجهتندن حصراً وارثی یم

دیو امین مزبور یوزینه دعوی و مدعاسنه وجه شرعی اوزره اقامه بینه ایدوب بعدالحکم
زیدک تر که سنی الدقدنصکره بکر زید بنم معتمق اولوب ولاجهندن وارثی یم دیو عمرودن
دعوی ایلسه مسموعه اولورمی الجواب اولماز

☆
☆ ☆

شفعه :

زید ملک عرصه سنی عمروه ثمن معلومه بیع وتسلیم ایتدکدنصکره اول عرصه یه
متصل ملک منزلی اولان بکر بیعی استماع ایتدیکی آنده اتخاذا شفعه ایدوب شرائطنه
بتمامها رعایت ایدیجک عرصه مرقومه بی شفعه ایله عمرودن آلفه قادر اولورمی الجواب اولور

☆
☆ ☆

هبه :

زید مجنون جنونی حالنده شو قدر اشیاسنی قرنداشی عمروه هبه وتسلیم ایلسه هبه
مزبورده صحیحه اولورمی الجواب اولماز

☆
☆ ☆

زید زوجه سی هنده آل کی دیو بعض اثواب ویروب هند دخی الوب کیدکدنصکره
زید هندی تطلیق ایلسه زید اول اثوابی هنددن آلفه قادر اولورمی الجواب اولماز

☆
☆ ☆

ضمان :

زیدک اجیر خاصی اولوب دوه لوینک ساربانی اولان عمروبر مصلحتی ایچون بریره کیدوب
دوه لرك یاننده خدمتکاری اولوب بامینی اولان بکری حفظ ایچون براقدقدنصکره دوه لرك
ایکیسی بکرك تعدی وتقصیرنسز ضایع اولسه عمروه ضمان لازم اولورمی الجواب اولماز

☆
☆ ☆

حاریت :

زید ملک عرصه سنی بنا احداث ایتک ایچون عمروه اعاره ایدوب عمرودخی عرصه
مزبورده ده منزل بنا ایتدکدنصکره زید فوت اولوب اوغلی بکری ترک ایلسه بکر عمروه بناسنی
قلع ایتدیروب عرصه بی عمرودن آلفه قادر اولورمی الجواب اولور

☆
☆ ☆

دعوی :

زید عمرو ذمتده اصلا حقم یو قدر دیوب عمروی ابرا ایتد کد نصکړه زید ابراء ضربوردن
مقدم عمرو ذمتده شوقدر اچیه حقم وارد دیو دعوی ایلسه مسموعه اولورمی الجواب اولماز
بوصورتده مرافعه اولد قلمری قاضی ابرا دعوا یه مانع د کلدرد دیو زیدک دعوی
مرقومه سنی استماع وینه سنی قبول ایدوب اولقدر اچیه یی عمرودن زیده حکم ایلسه حکمی
نافذ اولورمی الجواب اولماز

★ ★

اقرار :

زید مرض موتنده منزلده اولان جمیع اشیاء زوجهم هند کدر دیو اقرار ایتد کد نصکړه
زید فوت اولوب سائر ورثه تصدیق ایتسه لر هند اقرار ضربوره بناء اشیاء مرقومه یی میراثه
ادخال ایتدیر میوب مستقلة آلمغه قادره اولورمی الجواب اولماز

★ ★

شهادت :

زیدک مدعاسنه زیدک قاین باباسی عمروک شهادتی مقبوله اولورمی الجواب اولور

★ ★

قصاص :

زید قتل اولنوب اوغللری عمرو و بکری ترک ایتد کده عمرو و بکریک توکیلله بشردن
سن زیدی موجبی قصاص اولان قتل ایله قتل ایتدک دیو دعوی و مدعاسنی بعد الاثبات بکریک غیابنده
استیفای قصاصه فادر اولورمی الجواب اولماز

★ ★

وصیت :

زید جمله مالنی زوجہ سی هنده وصیت ایتد کد نصکړه زید فوت اولوب هندي وسائر
ورثه سنی ترک ایلسه سائر ورثه وصیتی مجیز اولماسه لر هند وصیت مرقومه یه بناء زیدک ترک سندن
نسبه المنه قادره اولورمی الجواب اولماز

کرامت محمدی